

Bagi kali yang pertamanya, syarahan maulud telah diadakan oleh Pengarah dan kakitangan Dewan Bahasa Pustaka Kuala Lumpur di Dewan Budaya. Dua pensyarah agama dari Singapura telah diundang bersyarah di situ iaitu Tuan Syed Ahmad Dahlan al-Husaini dan Ustazah Aminah binti Ku Wang Husin. Tuan Syed Nasir bin Ismail Pengarah Dewan Bahasa dan Pustaka telah membuka majlis itu dan syarahan itu dipengerusikan oleh Tuan Haji Khairuddin bin Haji Mahmud, Pengarang Dewan Bahasa dan Pustaka.

## Syarahan Mawlid di Dewan



## Bandaraya Kuala Lumpur



Selain daripada dua pensyarah di dalam gambar ini kelihatan - di atas: nasyid-nasyid dari murid-murid Taman Pendidikan Islam di Kuala Lumpur - di tengah kelihatan di antaranya (dari kiri) Tuan syed Nasir bin Ismail, Datuk Ahmad Farang<sup>1</sup> Ketua Jabatan Keretapi, Syed Ahmad Dahlan Al-Husaini dan di hujung sekali Datuk Sheikh Ahmad Menteri Besar Perlis.

(sambungan dari muka 19)

kebiasaan yang sudah jarang didapati, berlakunya hanya dalam himpunan yang kecil sahaja.

Di "Cochin" negeri China pada zaman dahulu, tidak ada seorang wanita yang boleh bersuami sebelum diperiksa oleh raja. Dalam pada itu kalau sang raja suka kepada wanita itu lalu diambilnya menjadi gundiknya - dan kalau tidak, diberinya wanita itu belanja untuk bersuami. Pada beberapa tempat pula, gadis-gadis yang akan menjadi isteri (pengantin) itu harus menyerahkan dirinya terlebih dahulu iaitu sebelum ia bergaul dengan suaminya, kepada orang-orang yang dianggap berkuasa, pembesar, pegawai atau kepala agama.

Di Eropah, para tuan punya tanah yang besar menganggap dirinya mempunyai hak untuk mengambil tiap-tiap gadis pada malam pertama, iaitu para gadis yang baru dikahwinkan, yang berada di kawasan tanah kepunyaannya. Adat kebiasaan yang jahat ini berlaku sejak zaman feudal hingga masa yang akhir-akhir ini sahaja. Konon diceritakan pula, bahawa para pendeta agama kuno banyak juga mempertahankan hak-haknya yang sedemikian itu.

Dalam sebuah kerajaan di Malabar, sang raja pun tunduk kepada adat kebiasaan yang keji itu. Si gadis yang akan menjadi permaisuri raja, pada sebelum ia bergaul dengan suaminya, harus menyerahkan dirinya dan kehormatannya selama tiga malam yang pertama kali kepada pendita yang tertinggi sekali di sana, dan pendita itu pun dibayar oleh sang raja sebanyak 50 keping wang emas sebagai upah sebagai kepenatannya.

Di Cambodia, menurut para penyelidik bangsa Tionghua, adat kebiasaan yang demikian itu telah menjadi suatu kewajipan yang harus dilakukan pada tiap-tiap tahun dengan upacara yang besar, orang tua yang mempunyai anak perempuan yang hendak dikahwinkan, mestilah memberitahukan

kepada orang ramai, dan ditentukan olehnya suatu hari untuk merayakan adat kebiasaan itu. Iaitu si bapa harus mencari wang untuk mengupah seorang pendeta agama Buddha atau pendita agama Tao, untuk kepentingan seperti tersebut.

Dan diceritakan pula, bahawa bangsa Parahia<sup>1</sup> dan Parsi di zaman dahulu teradat juga orang lelaki mengahwini ibunya sendiri dengan tidak ada mempunyai perasaan sesuatu apa. Bahkan agama orang Parsi purbakala mengakui sah perkahwinan seorang anak lelaki dengan ibunya sendiri. "Pariskas"<sup>2</sup> menerangkan, bahawa perkahwinan seperti itu telah teradat pula dalam golongan bangsa Tatar dan Siciaran<sup>3</sup>. Dalam kalangan bangsa "Bushman" di Afrika memandang, bahawa setengah daripada adat kebiasaan yang baik dan dianggap pula pemurah, ialah memberi kebebasan kepada para wanita dan membenarkan para isteri untuk bergaul bersebadan dengan sebarang orang lelaki.

Dalam kalangan bangsa Miksi, mempunyai adat kebebasan yang lain lagi yang agak menghairankan, iaitu apabila mereka sudah mempunyai anak perempuan yang sudah dewasa dan sampai masanya dikahwinkan, anak itu mereka suruh keluar dari rumah untuk bercampur gaul dengan kaum lelaki dengan berkeliling kota kayan<sup>4</sup> ke mari mencari wang. Kemudian bila mana telah banyak memperoleh wang, baharulah dikahwinkan dengan salah seorang lelaki yang disukainya sendiri.

Sebahagian bangsa-bangsa Amerika purbakala, ada pula mempunyai adat istiadat orang lelaki kahwin dengan saudara perempuannya sendiri, ada yang dengan anaknya sendiri dan ada juga dengan ibunya. Konon khabarnya di Mesir zaman dahulu, para raja-raja diperkenankan mengahwini saudaranya sendiri.

<sup>1</sup> Perkataan sebenar tidak dapat dikesan

<sup>2</sup> Perkataan sebenar tidak dapat dikesan

<sup>3</sup> Perkataan sebenar tidak dapat dikesan

<sup>4</sup> Perkataan sebenar ialah ke sana

Di samping itu ada pula suatu adat kebiasaan yang terjadi di zaman dahulu suatu perkahwinan yang disebut “kahwin sewa” iaitu golongan lelaki yang kuat mempunyai kekuasaan dapat mempengaruhi isteri yang banyak. Kalau ada lelaki lain yang menghendaki isterinya, ia boleh menyewakannya dengan harga sewa yang ditetapkan olehnya.

Kemudian pada abad moden ini di benua barat (Eropah) ada satu perkahwinan yang menyerupai perkahwinan “mut‘ah” atau kahwin sementara seperti di zaman jahiliah, bahkan lebih keji dari itu, yang disebut “kahwin percubaan” atau *nikah tajribah*. Caranya, sebelum dilakukan perkahwinan yang sah, kedua lelaki dan perempuan itu dibolehkan bercampur gaul terlebih dahulu selama satu tahun. Keduanya hidup serumah sebagai suami isteri atau di rumah masing-masing. Setahun kemudian baharu diputuskan; berkahwin terus dengan cara yang sah, atau dibatalkan sahaja kemudiannya. Perkahwinan “*tajribah*” ini terdapat di daerah-daerah Amerika, Scotland, Jerman dan Sweeden.

Demikianlah berbagai-bagai perkahwinan yang dilakukan oleh bangsa-bangsa di dunia ini, di mana dapat dibayangkan, bahawa perkahwinan dengan cara-cara yang telah digambarkan di atas, kaum wanita lah yang menjadi korban, dan sekali lagi golongan kaum yang lemah itulah yang menjadi korban.

Dengan keterangan-keterangan yang telah dijelaskan di atas, maka semestinya lah orang berterima kasih - terutamanya kaum wanita - kepada pimpinan agama Islam yang dibawa oleh Nabi Muhammad (SAW) kerana agama Islam telah menetapkan peraturan perkahwinan antara lelaki dengan wanita dengan peraturan yang sebaik-baiknya.

Sekianlah dahulu dan dalam rencana akan datang akan diterangkan pula tentang perkahwinan secara “Poliandri”, “poligami”, dan “pergundikan”.

## Mengapa Tidak Menjadi Perhatian Kita?

Kalau kita lihat anggota badan kita, atau badan saudara kita, keluarga kita, tetangga kita, atau pun kawan atau sahabat kita misalnya mendapat luka parah dan lain-lain penyakit umpamanya, maka biasanya kita akan terkejut, lekas-lekas kita periksa, dan mungkin bersegera pula untuk berikhtiar mencarikan ubatnya, supaya lekas tertolong dan terselamat. Tetapi lain benar sikap kita kalau yang kita lihat itu golongan yang telah mendapat sakit jiwa, atau rosak rohaninya disebabkan telah rosak budi pekertinya, jahat tingkah lakunya. Kita lihat hanya dengan perhatian sepintas lalu sahaja - tidak menjadi perhatian kita - pada hal kelakuan yang dipertontonkannya itu terang-terang menyolok mata. Mengapa demikian sikap kita?

Sudah terbit!

Pengajian

## KESAH PELAYARAN

**ABDULLAH MUNSHI**

di-susun sa-mula oleh:

EDRUS

Harga \$2.50 sa-naskhah

tambah belanja pos (register) 40 sen

*Di-chitak dan di-terbitkan oleh*

Q A L A M

356/358, GEYLANG ROAD

SINGAPORE 14